



1/2015 ZIRKULARRA, URTARRILAREN 7KOA, ZERGA ADMINISTRAZIOKO ZUZENDARITZENA, 2015EKO PFEZREN KONTURAKO ORDAINKETEI BURUZKOA

Foru-aldundiek Pertsona Fisikoen Errentaren gaineko Zergaren (PFEZ)¹ arautegietan* aldaketak onartu dituzte. Horren ondorioz, 2015eko urtarrilaren 1etik aurrera, lan-etekinen gaineko atxikipenak aldatu egin dira.

2015ean PFEZn aplikatu beharreko konturako ordainketa eta kenkari guztien laburpen bat aurkezten da.

1. Lanaren etekinen gaineko atxikipenak.

Indarrean jarraitzen du 2014ko atxikipen-ehunekoen taula orokorra.

2. Kapital higigarriaren etekinen gaineko atxikipenak.

Kapital higigarriaren etekineko atxikipenaren zenbatekoa kalkulatzeko atxikipen-oinarriari **% 20ko** tasa aplikatu behar zaio.

3. Jarduera ekonomikoen etekinen gaineko atxikipenak.

Aldi baterako, 2015ean zehar, etekinak profesional-jarduera baten kontraprestazio direnean, ordaindu diren sarrera osoen **% 19ko** atxikipen-tasa aplikatuko da.

Lanbide-jardueren etekinen gaineko atxikipen eta konturako sarreraren portzentajea **% 15** izango da baldin eta aurreko ekitaldiko lanbide-jardueren etekin osoen bolumena 15.000 euro baino gutxiago bada eta zergadunek ekitaldi horretan lortutako ekonomia- eta lan-jardueren etekin osoen baturaren %75 baino gehiago bada.

Profesional-jarduerari ekin dioten zergadunen kasuan, atxikipen-tasa **% 9** izango da.

Bi aurreko lerroaldean ezarri den atxikipen-tasa aplikatzeko, inguruabar hori gertatu dela jakinarazi behar diote zergadunek etekinen ordaintzaileari, eta ordaintzaileak jakinarazpen hori gorde beharko du, behar bezala sinatuta.

Atxikipen-tasa **% 9** izango da honako hauei ordaindutako etekinetan ere:

- Udal zerga-biltzaileei.
- Kanpoko laguntzaileen zerbitzuak erabiltzen dituzten aseguru-bitartekariei.
- Loteria eta Apustuen Estatu Sozietatearen merkataritzako ordezkariak.

4. Ondare-irabazien eta higiezinaren errentamenduen eta azpierrementamenduen gaineko atxikipenak.

¹ Araba: Diputatuen Kontseiluaren 63/2014 FD, abenduaren 16koa. (ALHAO. 146. zk. 2014/12/24)
Bizkaia: 164/2014 FD, abenduaren 16koa. (BAO. 243. zk. 2014/12/19)
Gipuzkoa: 47/2014 FD, abenduaren 22koa. (GAO. 248. zk. 2014/11/30)

Inbertsio kolektiboko erakundeen akzioak eta partaidetzak eskualdatuz edo itzuliz lortutako ondare-irabazien eta azpierrementamenduen gaineko atxikipenaren zenbatekoa kalkulatzeko, **% 20ko** tasa aplikatu behar zaio atxikipen-oinarriari.

5. Sarien gaineko atxikipenak.

Eskudirutan ordaintzen diren sarietan egingo den atxikipena horien zenbatekoaren **% 20** izango da.

6. Beste errenta batzuen gaineko atxikipenen zenbatekoa.

Gainerako kontzeptuen etekinen gainean egin beharreko atxikipena kalkulatzeko, haien kalifikazioa gorabehera, ordaindu diren sarrera osoei **% 20ko** tasa aplikatu behar zaie.

Nota:

- Oro har, atxikitzeko betebeharra sortuko da atxikipenaren menpean erretak ordaintzen diren unean, beraz, indarrean dagoen araudiak xedatzen duenari men egin behar zaio kenkariak, atxikipenak. (Inbertsio kolektiboko erakundeen akzioen eta partaidetzen eskualdaketetatik edo itzulketetatik datozen kapital higigarriaren etekinen eta ondare-irabazien gaineko atxikipenen kasuan berariazko xedapenak daude).

Vitoria-Gasteizen, 2015eko urtarrilaren 7an.

Zerga Adminiztrazioko Zuzendaritza